

1941



საქართველოს საბჭოთა სოციალისტური რესპუბლიკის
მთავრობის

დადგენილებათა და განკარგულებათა კრებული

1941 წ. 20 მაისი

№ 16

თბილისი

შ ი ნ ა ა რ ს ი

სახალხო კომისართა საბჭოს და საქ. კ. პ. (ბ) ცენტრალური კომიტეტის დადგენილებანი

- 91. შაჰრის ჭარხლის ნათესებზე ჭარხლის ცხვირგარძელასა და პურეულის ხვატარის წინააღმდეგ ბრძოლის ღონისძიებათა შესახებ.
- 92. ყაზბეგის რაიონში კოლმურნეთა, აგრეთვე ერთპიროვნულ მეურნეთა და კოლმეურნეობის სხვა არაწევრთა საკარმიდამო ნაკვეთების ნორმების შესახებ.

სახალხო კომისართა საბჭოს დადგენილებანი

- 93. საქართველოს სსრ სოცუზრუნველყოფის სახალხო კომისრის მოადგილე აშხ. ვ. ტ. ცაგურაის დანიშვნის შესახებ.
- 94. საქართველოს სსრ სახელმწიფო არბიტრაჟის დებულების 81 მუხლის შეცვლის შესახებ.
- 95. ლაგოდების ნაკრძალის ახალი საზღვრების დამტკიცების შესახებ.
- 96. საქართველოს სსრ მთავარი რაიონებში მარცვლეული პროდუქტების ავტოსაქაპანო ტერიტორიების განაკვეთების შესახებ.
- 97. იმ დოკუმენტთა ნუსხის დამატების შესახებ, რომელთა მიხედვითაც გადახდებიან სწარმოებს სანოტარო ორგანოების აღმასრულებელი წარწერის საფუძველზე.
- 98. სსრ კავშირის სახკომსაბჭოსთან მყოფი საქართველოს სსრ სახკომსაბჭოს მუდმივი წარმომადგენლის შესახებ.
- 99. საქართველოს სსრ იუსტიციის სახალხო კომისრის მოადგილის თანამდებობიდან აშხ. მ. ნ. აჯიბგაშვილის მოხსნის შესახებ.
- 100. საეწეო კოოპერაციის, სატყეო-სარეწეო კოოპერაციისა და ინვალიდთა კოოპერაციის კულტურულ-მასობრივი მუშაობისა და კადრების მომზადების ფონდში პროცენტული დანარიცხებისა და ანარიცხების ნორმების შემცირების შესახებ.
- 101. „დაწესებულებათა და საწარმოთა მოსამსახურეებისათვის ტრამეჯის ბილეთების უფასოდ დარიცხვის აკრძალვის შესახებ“ საქართველოს სსრ სახკომსაბჭოს 1941 წლის 10 თებერვლის დადგენილების დამატებაზე.
- 102. ქ. სოხუმსა და გაგრაში 1941 წელს განსაკუთრებული საიჯარო გაფოსალების გადახდების შესახებ.



სახალხო კომისართა საბჭოს და საქ. კ. პ. (ბ) ცენტრალური კომიტეტის დადგენილებანი

91. შაქრის ქარხლის ნათესებზე ქარხლის ცხვირგრძელასა და პურეულის ხვატარის წინააღმდეგ ბრძოლის ღონისძიებათა შესახებ.

საქართველოს სსრ სახალხო კომისართა საბჭო და საქ. კ. პ. (ბ) ცენტრალური კომიტეტი აღნიშნავენ, რომ 1939 და 1940 წლებში შაქრის ქარხლის ზოგიერთ უმნიშვნელო ნაკვეთზე აღმოჩენილი იყო შაქრის ქარხლის ცხვირგრძელას ერთეული ეკზემპლარები (გორის რაიონში 2 ჰექტარზე და ხაშურის რაიონში—1,5 ჰექტარზე). დიდი რაოდენობით იყო გავრცელებული შაქრის ქარხლის ნათესებზე შემოდგომის პურეულის ხვატარი და ქარხლის რწყილი.

თავის დროზე ჩატარებულ ღონისძიებათა შედეგად, ეს მავნებლები მოსპობილ იქნა და შაქრის ქარხლის ნათესები ვადარჩა.

იმ მიზნით, რომ თავიდან იქნას აცილებული შაქრის ქარხლის მავნებლების, განსაკუთრებით ქარხლის ცხვირგრძელასა და შემოდგომის პურეულის ხვატარის, მასობრივი გავრცელება, და თავის დროზე მოეწყოს მათთან ბრძოლა, — საქართველოს სსრ სახალხო კომისართა საბჭო და საქ. კ. პ. (ბ) ცენტრალური კომიტეტი ადგენენ:

წინადადება მიეცეს სამხრეთ-ოსეთის ავტონომიური ოლქის მშრომელთა დეპუტატების საბჭოს აღმასრულებელ კომიტეტის თავმჯდომარეს, საქ. კ. პ. (ბ) სამხრეთ-ოსეთის საოლქო კომიტეტს და მშრომელთა დეპუტატების კასპის, გორის, ქარელის და ხაშურის რაიონულ საბჭოების აღმასრულებელ კომიტეტების თავმჯდომარეებსა და რაიკომების მდივნებს ჩაატარონ 1941 წელს შემდეგი სავალდებულო ღონისძიებანი შაქრის ქარხლის მავნებლებთან ბრძოლისათვის:

1. ქარხლის ცხვირგრძელას წინააღმდეგ.

ა) განსაკუთრებული მეთვალყურეობის ქვეშ მოაქციონ როგორც შაქრის ქარხლის ის ნათესები, სადაც წინა წლებში აღმოჩენილი იყო ქარხლის ცხვირგრძელა, ისე ამ ნათესების მახლობლად მდებარე ნაკვეთებიც, რომლებზედაც შესაძლებელია ქარხლის ცხვირგრძელას გამოჩენა მიმდინარე წელს, რისთვისაც გამოაჰყონ სპეციალური კოლმეურნეები-სივანლაზატორები;

ბ) ყველა ნაკვეთზე, შაქრის ქარხლის თესვის პარალელურად, გაიყვანონ კიდური და წარმმართველი თხრილები 35 სანტიმეტრი სიღრმისა და 25 სანტიმეტრი სივანისა; არხების ფსკერზე ერთმანეთისაგან 5--10 მეტრის მოშორებით მოაწყონ კიდური ორმოები სიღრმით არანაკლებ 30 სანტიმეტრისა;

გ) სისტემატური მეთვალყურეობა გაუწიონ არხებისა და ორმოების მდგომარეობას და არ დაუშვან მათი დანაგვიანება; თხრილებში ქარხლის ცხვირგრძელას აღმოჩენის დროს მოსპონ იგი, ხოლო პლანტაციასზე დაუყოვნებლივ მოაწყონ ხელით შეგროვება და შაქრის ქარხლის ნათესების საესებით გაწმენდა

მავნებლებისაგან; ამასთან ერთად შაქრის ქარხლის დაავადებულ ნათესებზე მოასხურონ შხამიანი მასალები (პარიზის მწვანე, ქლორის ნატრიუმი, ქლორის ბარიუმი და სხვა).

2. შემოდგომის პურეულის ხვატარის წინააღმდეგ:

ა) შაქრის ქარხლის ყველა ნათესზე გაიყვანონ კიდური თხრილები;

ბ) პირველი გაფხვიერებისთანავე ჩაატარონ შაქრის ქარხლის ნათესების მთელ ფართობზე შემოდგომის პურეულის ხვატარის ხელით გულმოდგინედ შეგროვება და მცენარეების გაწმენდა სარეველასაგან, ამასთან განიმეორონ ეს ღონისძიება სისტემატურად, ვიდრე არ მოხდება მავნებლის სრული ლიკვიდაცია;

გ) შემოდგომის პურეულის ხვატარის პეპლების ფრენის დაწყებისთანავე დასდგან ყოველ ჰექტარზე 3—4 საცერი ბადაგით;

დ) შემოდგომის პურეულის ხვატარის გამოჩენის შემთხვევაში მოაწყონ ოლმეურნეთა მასობრივი გამოსვლა ხელით შეაკგროვებლად შემოდგომის ხვატარის სრულ მოსპობამდე.

3. შაქრის ქარხლის ნათესებზე, რომლებიც დაავადებულია ქარხლის რწყვლით, ჩაატარონ ნათესების შეფრქვევა დარიშხან-მეყვას კალციუმით და თამბაქოს მტვერისა და კირის ნარევით.

4. დაუყოვნებლივ ჩაატარონ კოლმეურნეობებსა და მტს-ებში არსებული ქიმიკატებისა და აპარატურის აღრიცხვა და შეუდგნენ მათ რემონტს, ამასთან ეს მუშაობა დაამთავრონ არაუგვიანეს 1941 წ. 10 აპრილისა.

5. შეამოწმონ, თუ რამდენად უზრუნველყოფილი არიან ქარხლის მთესველი კოლმეურნეობები შხამის მასალით და მოაწყონ, რათა აღნიშნულმა კოლმეურნეობებმა ქიმიკატების საწყობებიდან გაიტანონ შხამის მასალა იმ ოდენობით, რაც საჭიროა შაქრის ქარხლის მავნებლებთან ბრძოლის ჩასატარებლად.

6. შაქრის ქარხლის მავნებლებთან განსაკუთრებით ქარხლის ცხვირგრძელასთან ბრძოლის ყოველგვარი ღონისძიების დროულად და ხარისხოვნად ჩატარებისადმი კონტროლის უზრუნველყოფის მიზნით, დაწესდეს, სსრ კავშირის სახალხო კომისართა საბჭოს და საკ. კ. პ. (ბ) ცენტრალური კომიტეტის 1941 წ. 3 მარტის შესაბამისად, მექარხლეობის ყველა რაიონში სახელმწიფო ინსპექტურა.

7. სახელმწიფო ინსპექტორის მოვალეობა დაეკისროს მშრომელთა დეპუტატების კასპის, გორის, ქარელისა და ხაშურის მიწვანების გამგეებს.

8. უფლება მიენიჭოს სახელმწიფო ინსპექტორებს კოლმეურნეობათა მიერ ქარხლის ცხვირგრძელასთან ბრძოლის დაწესებულ სავალდებულო ღონისძიების შეუსრულებლობისათვის დააჯარიმონ კოლმეურნეობათა თავმჯდომარეები და მემინდვრეობის ბრიგადების ბრიგადირები მათი თვითონ ნატურალური და ფულადი საზღაურის ოდენობამდე.

9. დაწესდეს, რომ კოლმეურნეობებს, რომლებიც დაარღვევენ ცხვირგრძელასთან მექანიკური და ქიმიური ბრძოლის სავალდებულო ღონისძიებებს და ამის შედეგად დაუშვებენ შაქრის ქარხლის მნიშვნელოვან დაზიანებას, რაც ხელმეორედ დათესავს მოითხოვს, გადახდებათ ჯარიმის წესით იმ შხამის ღირებულება, რაც კოლმეურნეობამ დახარჯა ან უნდა დაეხარჯა ამ დაზიანების თავიდან ასაცილებლად ანდა ქარხლის ხელმეორედ დასათესად.

10. როდესაც კოლმეურნეობა არ შეასრულებს ქარხლის ცხვირგრძელასთან ბრძოლის სავალდებულო ღონისძიებებს, სახელმწიფო ინსპექტორები კოლმეურნეობის თავმჯდომარის ან ბრიგადირის თანდასწრებით შეადგენენ აქტს, რომელშიაც ზუსტად უნდა იქნას აღნიშნული ბრძოლის სავალდებულო ღონისძიებათა დარღვევის ან გადახვევის ფაქტები, აგრეთვე დადებული ჯარიმის რაოდენობა.

სახელმწიფო ინსპექტორის გადაწყვეტილება ჯარიმის ღირებულების შესახებ შეიძლება გასაჩივრებულ იქნას მშრომელთა დეპუტატების რაიონული საბჭოს აღმასრულებელი კომიტეტის წინაშე აქტის შედგენის მომენტიდან (აქტის შედგენის დღის ჩათვლით) არაუგვიანეს 3 დღისა.

11. დაწესდეს, რომ ჯარიმის უმართებულოდ დადების შესახებ შეტანილ განცხადებებს განიხილავენ რაიონული საბჭოების აღმასკომები განცხადების მიღების მომენტიდან ორი დღის ვადაში. რაიონული საბჭოს აღმასკომის გადაწყვეტილება საბოლოოა.

12. ქარხლის ცხვირგრძელასთან ბრძოლის სავალდებულო ღონისძიებათა შეუსრულებლობისათვის დადებული ჯარიმები სახელმწიფოს ბიუჯეტში შედის. ჯარიმების გადახდევინება რაიფინგანებს ეკისრებათ.

13. რაიმიწვანების გამგეებს 1 აპრილიდან 1 აგვისტომდე, ე. ი. იმ პერიოდში როდესაც ისინი ქარხლის ცხვირგრძელასთან ბრძოლის ღონისძიებათა შესრულების შემოწმებელი სახელმწიფო ინსპექტორების მოვალეობას ასრულებენ, დაენიშნოს დამატებითი ხელფასი თვეში 100 მანეთი.

ქარხლის ცხვირგრძელას წინააღმდეგ დამუშავებული ფართობების მიღება მოხდეს მხოლოდ აგრონომის სავალდებულო მონაწილეობით შედგენილი აქტების თანახმად.

14. წინადადება მიეცეს მშრომელთა დეპუტატების კასპის, გორის, ქარელისა და ხაშურის რაიონების რაისაბჭოების აღმასკომების თავმჯდომარეებს ერთი კვირის განმავლობაში დაიყვანონ ეს დადგენილება ყველა კოლმეურნეობამდე და განიხილონ იგი კოლმეურნეთა საერთო კრებებზე.

15. წინადადება მიეცეს კასპის, გორის, ქარელისა და ხაშურის რაიონების მიწვანების გამგეებს ყოველდღეადურად მიაწოდონ ინფორმაცია საქართველოს სსრ მიწათმოქმედების სახალხო კომისარიატს ქარხლის ცხვირგრძელასთან და შაქრის ქარხლის სხვა მავნებლებთან ბრძოლისათვის მზადების, აგრეთვე მათთან ბრძოლის მიმდინარეობის შესახებ.

16. დაევალოს საქართველოს სსრ მიწათმოქმედების სახალხო კომისარატის სისტემატური მეთვალყურეობა გაუწიოს ამ დადგენილების შესრულებას და პერიოდულად მოაწოდოს ინფორმაცია საქართველოს სსრ სახალხო კომისარატის საბჭოს და საქ. კ. პ. (ბ) ცენტრალურ კომიტეტს.

საქ. სსრ ს.კ.ს-ის
თავმჯდომარე ვ. ბაქრაძე.

საქ. კ. პ. (ბ) ც.კ-ის
მდივანი კ. ჩარკვიანი.

1941 წ. 12 აპრილი. № 647.
თბილისი.

92. ყაზბეგის რაიონში კოლმეურნეთა, აგრეთვე ერთპიროვნულ მეურნეთა და კოლმეურნეობის სხვა არაწევრთა საკარმიდამო ნაკვეთების ნორმების შესახებ.

საქართველოს სსრ სახალხო კომისარატის საბჭო და საქ. კ. პ. (ბ) ცენტრალური კომიტეტი ადგენენ:

1. დაწესდეს ყაზბეგის რაიონში საკოლმეურნეო კომლის პირადი სარგებლობისათვის გამოყოფილი საკარმიდამო ნაკვეთის ზომა 0,25-დან 0,30 ჰექტარამდე, საცხოვრებელ ნაგებობათა მიერ დაკავებული მიწების ჩათვლელად.

2. ერთპიროვნული გლეხური კომლის სარგებლობაში არსებული სამინდვრე მიწა განისაზღვროს ერთ ჰექტარამდე, სათიბი ნაკვეთების ჩათვლით, ხოლო საკარმიდამო ნაკვეთები ამ მეურნეობებისათვის დაწესდეს 0,20 ჰექტარის რაოდენობით, ნაგებობათა მიერ დაკავებული მიწის ჩათვლით.

3. ინვალიდთა, პენსიონერთა, მოხუცთა მეურნეობებისათვის, რომლებიც კოლმეურნეობის წევრებად არ ირიცხებიან, აგრეთვე კოლმეურნეობის არაწევრ მუშებისა და მოსამსახურეებისათვის, რომლებიც სახელმწიფო საწარმოებში, რკინიგზებზე და დაწესებულებებში მსახურობენ და სასოფლო ადგილებში ცხოვრობენ კოლმეურნეობათა ტერიტორიაზე, სოფლის მასწავლებლებისათვის, აგრონომებისა, ზოოვეტერინარულ და სამედიცინო მუშაკებისათვის, რომლებიც მუშაობენ და ცხოვრობენ სასოფლო ადგილებში, — საკარმიდამო ნაკვეთების ზომა დაწესდეს ერთ ოჯახზე არაუმეტეს 0,15 ჰექტარისა, ნაგებობათა მიერ დაკავებული მიწის ჩათვლით.

4. კოლმეურნეთა, ერთპიროვნულ მეურნეთა და კოლმეურნეობის სხვა არაწევრთა მთელი ნაქარბი მიწები, ზემოაღნიშნულ ნორმებთან შედარებით, მიეზომოს საკოლმეურნეო მიწებს.

5. დაევალოს საქართველოს სსრ მიწათმოქმედების სახალხო კომისარიატის მიავლინოს ყაზბეგის რაიონის დასახმარებლად მიწათმოქმედებასა და მწყობრის მომწყობის სამუშაოების ჩასატარებლად კოლმეურნეობებში.

საქ. სსრ ს. კ. ს-ოს
თავმჯდომარე ვ. ბაქრაძე.

საქ. კ. პ. (ბ) ც-კ-ის
მდივანი კ. ჩარკვიანი.

1941 წ. 14 აპრილი. № 672.
თბილისი.

სახალხო კომისარიატის საბჭოს დადგენილება

93. საქართველოს სსრ სოციალისტური რევოლუციის სახალხო კომისარიატის მოადგილე ა. მ. ვ. ტ. ცაგურიას დანიშნვის შესახებ.

საქართველოს სსრ სახალხო კომისარიატის საბჭო ადგენს:

დანიშნოს ა. მ. ვ. ტ. ცაგურია საქართველოს სსრ სოციალისტური რევოლუციის სახალხო კომისარიატის მოადგილედ.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 9 აპრილი. № 635.
თბილისი.

94. საქართველოს სსრ სახელმწიფო არბიტრაჟის დებულების 8¹ მუხლის შეცვლის შესახებ.

„ერთი სახელმწიფო, სამეურნეო კოოპერატიული და საზოგადოებრივი ორგანიზაციების მიერ მეორისათვის არასათანადო ხარისხის საქონლის მიწოდების დროს პრეტენზიების წარდგენის წესისა და ვადების შესახებ“ სსრ კავშირის სახკომსაბჭოსთან არსებული სახელმწიფო არბიტრაჟის იმ ინსტრუქციის 28 მუხლის შესაბამისად, რომელიც დამტკიცებულია სსრ კავშირის სახალხო კომისარიატის საბჭოს 1939 წლის 29 აგვისტოს დადგენილებით (სსრკ დადგ. კრ. 1939 წ. № 51, მუხ. 428), საქართველოს სსრ სახალხო კომისარიატის საბჭო ადგენს:

მუხ. 8¹ საქართველოს სსრ სახელმწიფო არბიტრაჟის დებულებისა (საქ. სსრ კან. კრ. 1938 წ. № 12, მუხ. 49) მიღებულ იქნას შემდეგი რედაქციით:

„მუხ. 8¹ ისეთი საქონლის მიწოდებისათვის წამოჭრილი დავა, რაზედაც თავისი ხარისხით ხელშეკრულების პირობებს არ შეესაბამება, აღიძრება საქონლის მიღების ადგილის მიხედვით“.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 12 აპრილი, № 651.

თბილისი.

95. ლაგოდების ნაკრძალის ახალი საზღვრების დამტკიცების შესახებ.

საქართველოს სსრ სახალხო კომისართა საბჭო ადგენს:

1. დამტკიცდეს ლაგოდების კომპლექსური ნაკრძალი შემდეგ საზღვრებში— 13.000 ჰექტარი საერთო ფართობით:

სამხრეთ-დასავლეთით: შრომის ჩამონანგრევი (ნინის მთის ტოტიდან ნინის მთის ქედით) დალისტნის ასს რესპუბლიკის საზღვრამდე ანცალის მთის მწვერვალთან;

ჩრდილოეთით: ანცალის მთიდან კავკასიონის ქედის მწვერვალების ხაზით ზაქათალის ნაკრძალამდე არსებული რესპუბლიკური საზღვრის გასწვრივ;

აღმოსავლეთით: მდინარე მაზიმ-ჩაი მაზიმის ბილიკამდე;

სემხრეთით: მაზიმის ბილიკით, რომელიც სოფელ ცოდნის ზემოთ გადის მთის კედურთან აგურის გროვამდე (მონასტრის ნანგრევები), აქედან სახელმწიფო სატყეო ფონდის საზღვრით შრომის ჩამონანგრევამდე—ნინის მთის ქედზე.

2. ძალადაკარგულად ჩაითვალოს საქართველოს სსრ ცაკის და სახკომსაბჭოს 1935 წლის 4 ნოემბრის დადგენილება „ნაკრძალების, მკვდარი ბუნების ნაკრძალი ძეგლების და დაცვითი ნაკვეთების ქსელის დამტკიცების შესახებ“ (საქ. სსრ კან. კრ. 1935 წ. № 31, მუხ. 200) ლაგოდების ნაკრძალის მიმართ.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 16 აპრილი, № 679.

თბილისი.



96. საქართველოს სსრ მთავორიან რაიონებში მარცვლეული პროდუქტების ავტოსაქაპანო ტვირთშიდვის განაკვეთების შესახებ.

„მოვაკრე ორგანიზაციებისათვის მარცვლეული პროდუქტების გადაზიდვის ხარჯების ანაზღაურების წესის შესახებ“ სსრ კავშირის სახალხო კომისართა საბჭოს 1937 წლის 13 იანვრის № 48 დადგენილების შესაბამისად, საქართველოს სსრ სახალხო კომისართა საბჭო დამატებით თავისი 1938 წლის 8 თებერვლის დადგენილებისა „საქართველოს სსრ მთიან რაიონებში მარცვლეულის პროდუქტების ავტოსაქაპანო გადაზიდვის განაკვეთების შესახებ“ (საქ. სსრ კან. კრ. 1938 წ. № 5, მუხ. 20) ადგენს:

1. ნება დართულ იქნას ბურეული პროდუქტებისა და მარცვალ-ფურაჟის გადაზიდვა გორის რაიონში:

1) სოფელ ატენიდან სოფელ ბობნევაამდე 20 კილომეტრის მანძილზე ურმებით, ხოლო 9 კილომეტრზე აკიდებით.

2) სოფელ ატენიდან სოფელ კველიათუბნამდე 20 კილომეტრზე ურმებით, ხოლო 17 კილომეტრზე—აკიდებით.

3) სოფელ ატენიდან სოფელ მღებრიანამდე 23 კილომეტრზე ურმებით, ხოლო 22 კილომეტრზე—აკიდებით.

4) სოფელ ატენიდან სოფელ ზემოახალსოფლამდე 23 კილომეტრზე ურმებით, ხოლო 12 კილომეტრზე—აკიდებით.

5) სოფელ ატენიდან სოფელ დრიაამდე 5 კილომეტრზე ურმებით, ხოლო 10 კილომეტრზე—აკიდებით.

2. აღნიშნულ პუნქტებში ავტოსაქაპანო ხარჯები ანაზღაურებულ იქნას სახელმწიფო ბიუჯეტიდან ფაქტიური დანახარჯების მიხედვით, მაგრამ არაუმეტეს 5 მანეთისა ურმებით გადაზიდვის დროს და არაუმეტეს 10 მანეთისა აკიდებით გადაზიდვის დროს ტონა-კილომეტრი.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 16 აპრილი. № 680.

თბილისი.

97. იმ დოკუმენტთა ნუსხის დამატების შესახებ, რომელთა მიხედვითაც გადახდევინება სწარმოებს სანოტარო ორგანოების აღმასრულებელი წარწერის საფუძველზე.

საქართველოს სსრ სახალხო კომისართა საბჭო ადგენს:

„იმ დოკუმენტების შესახებ, რომლებითაც გადახდევინება სწარმოებს სანოტარო ორგანოების სააღსრულებო წარწერის საფუძველზე“ საქართველოს

სსრ სახალხო კომისართა საბჭოს 1932 წლის 23 მაისის დადგენილებების კარს (საქ. სსრ კან. კრ. 1932 წ. № 15, მუხ. 126; № 21, მუხ. 208; № 24, მუხ. 256; 1933 წ. № 1, მუხ. 26; 1934 წ. № 1, მუხ. 35; № 14, მუხ. 138; № 25, მუხ. 199; № 33, მუხ. 254; 1935 წ. № 5, მუხ. 32; № 32, მუხ. 206, 207; 1936 წლის № 7, მუხ. 52; № 12, მუხ. 76; № 23, მუხ. 140; № 34, მუხ. 207; 1937 წ. № 1, მუხ. 8; № 2, მუხ. 15; № 13, მუხ. 98; 1938 წ. № 13, მუხ. 61; № 15, მუხ. 77; № 16, მუხ. 79; საქ. სსრ დადგ. კრ. 1940 წ. № 1, მუხ. 7) დაემატოს პუნქტი 40 შემდეგი შინაარსის:

„40. სსრ კავშირის საარქიტექტურო ფონდის მიერ გაცემული სესხების დავალიანების ლოკუმენტებით“.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 16 აპრილი. № 682.

თბილისი.

98. სსრ კავშირის სახკომსაბჭოსთან მყოფი საქართველოს სსრ სახკომსაბჭოს მუდმივი წარმომადგენლის შესახებ.

საქართველოს სსრ სახალხო კომისართა საბჭო ადგენს:

დაინიშნოს ამხ. ა. ა. გიგოშვილი საქართველოს სსრ სახალხო კომისართა საბჭოს მუდმივ წარმომადგენლად სსრ კავშირის სახალხო კომისართა საბჭოსთან. ეთხოვოს სსრ კავშირის სახალხო კომისართა საბჭოს დაამტკიცოს.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 19 აპრილი. № 713.

თბილისი.

99. საქართველოს სსრ იუსტიციის სახალხო კომისიის მოადგილის თანამდებობიდან ამხ. მ. ნ. აჯიბეგაშვილის მოხსნის შესახებ.

საქართველოს სსრ სახალხო კომისართა საბჭო ადგენს:

მოიხსნას ამხ. მ. ნ. აჯიბეგაშვილი საქართველოს სსრ იუსტიციის სახალხო კომისიის მოადგილის თანამდებობიდან სუსტი მუშაობისათვის.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 19 აპრილი, № 714.
თბილისი.

100. სარეწაო კოოპერაციის, სატყეო-სარეწაო კოოპერაციისა და ინვალიდთა კოოპერაციის კულტურულ-მასობრივი მუშაობისა და კადრების მომზადების ფონდში პროცენტული დანარიცხებისა და ანარიცხების ნორმების შემცირების შესახებ.

„სარეწაო კოოპერაციის, სატყეო-სარეწაო კოოპერაციისა და ინვალიდთა კოოპერაციის კულტურულ-მასობრივი მუშაობისა და კადრების მომზადების ფონდში პროცენტული დანარიცხებისა და ანარიცხების ნორმების შემცირების შესახებ“ სსრ კავშირის სახკომსაბჭოს 1941 წლის 5 აპრილის დადგენილების (სსრკ დადგ. კრ. 1941 წ. № 12, მუხ. 207) შესაბამისად, საქართველოს სსრ სახალხო კომისართა საბჭო ადგენს:

1. გატარდეს 1941 წლის 1 იანვრიდან კულტურულ-მასობრივი მუშაობისა და კადრების მომზადების ფონდში პროცენტული დანარიცხები და ანარიცხები შემდეგი ნორმით:

სარეწაო კოოპერაციის (სარეწაო საბჭოს) ხაზით

- ა) წარმოების მუშათა-არტელის წევრთა ძირითად ხელფასზე—1%,
- ბ) რეალიზებული პროდუქციის საწარმოო თვითღირებულებისაგან—0,5%

სატყეო-სარეწაო კოოპერაციის (საქსარეწაეკავშირის ხაზით

- ა) წარმოების მუშათა არტელის წევრთა ძირითად ხელფასზე—1%
- ბ) რეალიზებული პროდუქციის საწარმოო თვითღირებულებისაგან—1%

ინვალიდთა კოოპერაციის (საქკოოპინკავშირის) ხაზით

- ა) ყოველგვარი სახის საქმიანობის, გარდა ვაჭრობისა, საწარმოო თვითღირებულებისაგან—1%;
- ბ) ვაჭრობისათვის—საქონლის შესასყიდი ღირებულებისაგან—0,2%.

2. ამ დადგენილების 1 პუნქტის შესაბამისად, შემცირდეს ასიგნებანი 1941 წელს კულტურულ-მასობრივი მუშაობის და კადრების მომზადების ხარჯებისათვის 1.894.000 მანეთის რაოდენობით, აქედან:

ა) სარეწაო კოოპერაციის ხაზით—1.276,3 ათასი მან.

ბ) სატყეო სარეწაო კოოპერაციის ხაზით—407,7 ათასი მან.

გ) ინვალიდთა კოოპერაციის ხაზით—210,3 ათასი მან., თანახმად თანდართული გაანგარიშებისა.

3. კულტურულ-მასობრივი მუშაობისა და კადრების მომზადების ფონდებით ხარჯების შემცირებისაგან მიღებული აღნიშნული სახსრები გადაირიცხოს სახელმწიფო ბიუჯეტის შემოსავალში, რისთვისაც შესყიდულ იქნას სახელმწიფო სესხთა ობლიგაციები, თანაბარ ნაწილებად კვარტალების მიხედვით.

4. დაევალოს საქართველოს სსრ ფინანსთა სახალხო კომისარს ამხ. ციმაკურიძეს განახორციელოს კონტროლი ამ დადგენილების შესრულებისადმი.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 19 აპრილი. № 719.

თბილისი.

101. „დაწესებულებათა და საწარმოთა მოსამსახურეებისათვის ტრამეის ბილეთების უფასოდ დარიგების აკრძალვის შესახებ“ საქართველოს სსრ სახკომსაბჭოს 1941 წლის 10 თებერვლის დადგენილების დამატებაზე.

საქართველოს სსრ სახალხო კომისართა საბჭო ადგენს:

„დაწესებულებათა და საწარმოთა მოსამსახურეებისათვის ტრამეის ბილეთების უფასოდ დარიგების აკრძალვის შესახებ“, საქართველოს სსრ სახკომსაბჭოს 1941 წლის 10 თებერვლის დადგენილების მე-2 პუნქტს (საქ. სსრ დადგ. კრ. 1941 წ. № 9, მუხ. 46) დაემატოს შემდეგი:

„ნება დაერთოს კავშირგაბმულობის სახალხო კომისარიატის რწმუნებულს შეიძინოს მუღმივი წლიური ბილეთები ფოსტალიონებისათვის, დეპეშების დამტარებლებისა და ავტომატური სატელეფონო-სადგურის მონტიორ-ზედამხედველებისათვის, რომლებიც ქ. თბილისში ეწვეიან დაზიანებული სატელეფონო ხაზებისა და აბონენტთა აპარატურის შეკეთებას“.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 19 აპრილი. № 721.

თბილისი.

102. ქ. სოხუმსა და გავრაში 1941 წელს განსაკუთრებული საიჯარო გამოსაღების გადახდევინების შესახებ.

„ითელ რიგ საკურორტო ადგილებში 1941 წელს განსაკუთრებული საიჯარო გამოსაღების გადახდევინების შესახებ“ სსრ კავშირის სახკომსაბჭოს 1941 წლის 12 აპრილის დადგენილების შესაბამისად, საქართველოს სსრ სახალხო კომისართა საბჭო აღგენს.

1. გაგრძელდეს 1941 წელს ქ. სოხუმსა და გავრაში განსაკუთრებული საიჯარო გამოსაღების გადახდევინება იმ მიწებზე, რომლებიც სანატორიუმებს, დასასვენებელ სახლებს, სასტუმროებსა და პანსიონატებს უჭირავთ, აგრეთვე საკარმიდამო ნაკვეთებზე 30 კაპეიკი კვ. მეტრში, და იმ მიწებზე, რომლებიც ბოსტნებსა და ბაღებს უჭირავს,—2 კაპეიკი კვადრატულ მეტრში წლიურად.

2. წინადადება მიეცეს აფხაზეთის ასსრ სახალხო კომისართა საბჭოს ერთი დეკადის ვადაში წარმოუდგინოს საქართველოს სსრ სახალხო კომისართა საბჭოს დასამტკიცებლად განსაკუთრებული საიჯარო გამოსაღების გამოყენების გეგმა.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 24 აპრილი. № 745.

თბილისი.



41-341
ეროვნული
ბიბლიოთეკა
138

გამომცემელი: საქართველოს სსრ სახალხო კომისართა საბჭო

უნდა ჩაბარდეს პირველ რიგში
ხელწერილის ქვეშ.

მისამართისათვის

ფასი 40 კაპ.

დ. პ. ბერიას სახელობის პოლიგრაფიული კომბინატი „კომუნისტი“. თბილისი, ლენინის ქ. № 28

შეკვეთა № 1160.

ტირაჟი 1600.